

## AUGLÝSING

### um skilyrði fyrir ótakmörkuðu lækningaleyfi.

Samkvæmt heimild í lögum nr. 51 30. maí 1942, verður það fyrst um sinn og þar til öðruvísi verður ákveðið, gert að skilyrði fyrir ótakmörkuðu lækningaleyfi, að umsækjendur hafi gegnt læknishéraði eða aðstoðarlæknisstörfum hjá héraðslækni fulla 3 mánuði að loknu háskólanámi og leggi fram skilríki fyrir þeirri þjónustu.

Nú hefur umsækjandi um skeið starfað sem kandidat í einhverju eftirtalinna sjúkrahúsa: Fjórðungssjúkrahúsi Ísafjarðar, Fjórðungssjúkrahúsi Norðfjarðar, Kristneshæli, Vífilstaðahæli, Sjúkrahúsi Vestmannaeyja, Sjúkrahúsi Keflavíkur eða Sjúkrahúsi Akraness, og leggur fram skilríki fyrir því, og stýttist þá skylduþjónustutími sá, sem tilskilinn er í fyrri málsgrein, um þann tíma, sem hann hefur unnið í fyrrgreindum stofnunum.

Auglýsing nr. 155 22. sept. 1942 er úr gildi felld, svo og auglýsing nr. 98 11. júlí 1962, um breyting á þeirri auglýsingu.

Þetta birtist hér með til leiðbeiningar þeim, er hlut eiga að máli.

*Dóms- og kirkjumálaráðuneytið, 29. marz 1963.*

**Bjarni Benediktsson.**

*Baldur Möller.*

## SAMÞYKKT

### um forkaupsrétt og forleigurétt Eskifjarðarhrepps í hafnarmannvirkjum o. fl.

Samkvæmt heimild í lögum nr. 22 23. júní 1932, um forkaupsrétt kaupstaða og kauptúna á hafnarmannvirkjum o. fl., hefur hreppsnefnd Eskifjarðarhrepps gert eftirfarandi samþykkt:

Eskifjarðarhreppi er áskilinn forkaupsréttur og/eða forleiguréttur á eftirgreindum eignum í hreppnum:

Mjóeyri með íbúðarhúsi og útihúsum, eignum Kaupfélagsins Bjarkar á Hlíðar-enda: Sölubúðarhúsi, geymsluhúsum og sláturhúsi með lóð og bryggju, Randúlfs-húsi með lóð og bryggju, sjóhúsi dánarbús Karls Jónassonar með lóð og bryggju. Fiskþurrkunarstöð Spors hf. með lóð, frystihúsi og geymsluhúsum sama, með lóð og bryggju, Friðþjófssjóhúsi með lóð og bryggju, Hlíðarenda 2 með lóð og bryggju, Tómasarhúsi (Bjarki II) með lóð, geymsluhúsi Hraðfrystihúss Eskifjarðar hf. (áð-um geymsluhús Símonar Jónassonar), með lóð, gömlu Sjólyst með lóð, Reykholti I með lóð, Odda með lóð, Netagerðarstöð Jóhanns Klausen, með uppfyllingu og bryggju, geymsluhúsi Arnþórs Jensen með lóð, sjóhúsi Guðjóns Gíslasonar og Gunnars Hallgrímssonar með bryggju, Svanshúsi með lóð og bryggju, Nýborg með lóð, Trésmíðavinnustofu Kristins Guðmundssonar með lóð, sölubúðarhúsi Kaupfélagsins Bjarkar með lóð, Rafstöðvarhúsi með lóð, Framnesi með lóð, uppfyllingu og bryggju, eignir Hraðfrystihúss Eskifjarðar hf. í Útkaupstað: Hraðfrystihús með lóð, gamla Ungmennafélagshúsið með lóð, Langahúsið með lóð og bryggju, sildarverk-smíðjubyggingar með lóð, geymsluskálar og skreiðargeymsluhús með lóð, svo og

íbúðarhús með lóð, Gömlubúð með lóð, oliuhúsi hf. Skeljungs með lóð, uppfyllingu og bryggju. Kaupangi með lóð, uppfyllingu og bryggju. Vélaverkstæði Eskifjarðar og dráttarbraut með lóð. Í Framkaupstað: 4 geymsluhús og sjóhús neðan götu með lóð og bryggju, búðarhús í Framkaupstað og Framkaupstaðartún, verkstæðis-, geymslu- og skrifstofubygging Snæfells hf. með lóð og sjávarlóð Kristjáns Jónssonar í Skuld.

Samþykkt þessi öðlast þegar gildi og gildir í 5 ár frá dagsetningu hennar að telja. Birtist hún hér með til eftirbreytni öllum þeim, sem hlut eiga að máli.

*Félagsmálaráðuneytið, 29. marz 1963.*

F. h. r.

**Hjálmar Vilhjálmsson.**

*Hallgrímur Dalberg.*

2. apríl.

Nr. 65.

**Staðfesting forsetans á skipulagsskrá fyrir Minningarsjóð Jóns Sigurgeirssonar frá Bjarnarstöðum, útgefin á venjulegan hátt að mandatum af dómsmálaráðherra 2. apríl 1963.**

Skipulagsskráin er þannig:

## SKIPULAGSSKRÁ

**Minningarsjóðs Jóns Sigurgeirssonar frá Bjarnarstöðum.**

1. gr.

Sjóðurinn heitir Minningarsjóður Jóns Sigurgeirssonar frá Bjarnarstöðum og er stofnaður af foreldrum hans, Sigurgeiri Jónssyni og Þuríði Sigurðardóttur, hinn 17. júní 1911 með 700 króna stofnfé.

2. gr.

Tilgangur sjóðsins er: Að hvetja menn til bætrar meðferðar á sauðfé og vinna að kynbótum á því. Að þessu skal unnið á þann hátt, að veita sérstök verðlaun fyrir beztu sauðkind, sem sýnd er á búfjársýningum, sem Búnaðarfélag Íslands heldur í Suður-Þingeyjarsýslu. Þó koma aðeins til greina þeir einstaklingar, sem hlotið hafa fyrstu verðlaun á afkvæmasýningum. Allar afhendingar verðlauna skulu gerðar samkvæmt úrskurði dómnefndar. Héraðinu skal skipt í tvö sýningarsvæði um Skjálfafljót og geta einungis fjáreigendur á öðru svæðinu keppt um verðlaunin hverju sinni.

3. gr.

Sjóðnum skal varið eins og hér segir: Hann skal jafnan vera á vöxtum og skal helmingi vaxtanna frá ársbyrjun 1962, varið til verðlauna samkvæmt 2. grein.

Hinn helmingur vaxtanna skal leggjast við höfuðstólinn, þar til sjóðurinn nemur 20 þúsund krónum.

Þegar höfuðstóllinn hefur náð þeirri fjárhæð, er sýslunefnd Suður-Þingeyjarsýslu heimilt að endurskoða skipulagsskrána og gera breytingar á henni.

Þó skal sjóðurinn jafnan vinna að bættri meðferð sauðfjár og kynbótum.

B 20